

Հաշվետվություն

2026 թվականի մայիսի 18-ից 20-ը Բելգիայի Թագավորություն (Օստենդ) կատարած գործուղման արդյունքների մասին

1. Անունը, ազգանունը, զբաղեցրած պաշտոնը.

Արամ Գուգարաց, Կադաստրի կոմիտեի ղեկավարի տեղակալ,
Միեր Խաչատրյան, Կադաստրի կոմիտեի գլխավոր քարտուղար,
Մարինե Սահակյան, Կադաստրի կոմիտեի արտաքին կապերի վարչության պետ
Ռուզաննա Խաչատրյան, Կադաստրի կոմիտեի ղեկավարի օգնական:

2. Գործուղման վայրը և ժամկետները.

Բելգիայի Թագավորություն (Օստենդ), 2026 թվականի մայիսի 18-ից 20-ը:

3. Հրավիրող կողմը.

«Եվրոգեոգրաֆիքս» ասոցիացիա:

4. Գործուղման նպատակը (աշխատանքային ո՞ր խնդրի լուծման համար էր նախատեսված գործուղումը).

Մասնակցություն «Եվրոգեոգրաֆիքս» ասոցիացիայի գլխավոր ասամբլեային:

5. Քննարկված թեմաները.

Գլխավոր ասամբլեայի շրջանակներում քննարկվել են «Եվրոգեոգրաֆիքս» ասոցիացիայի գործունեության և զարգացման ռազմավարական ուղղություններին վերաբերող հետևյալ հարցերը.

- 2026 թվականի «Եվրոգեոգրաֆիքս» ասոցիացիայի գլխավոր ասամբլեայի օրակարգի հաստատում,
- Կառավարման խորհրդի կողմից ներկայացված գործունեության տարեկան հաշվետվության քննարկում,
- «Եվրոգեոգրաֆիքս» միջազգային ասոցիացիայի ոչ առևտրային կազմակերպության (AISBL) 2025 թվականի ֆինանսական հաշվետվությունների ներկայացում և հաստատման գործընթաց,
- 2026 թվականի գործառնական ծրագրի, բյուջեի և անդամավճարների վերաբերյալ առաջարկությունների քննարկում,
- Կառավարման խորհրդի անդամների և «Եվրոգեոգրաֆիքս» ասոցիացիայի նախագահի թեկնածությունների ներկայացում և ընտրական գործընթացների կազմակերպում,
- անդամ կազմակերպությունների միջև համագործակցության խորացման և փորձի փոխանակման մեխանիզմների ընդլայնում,
- երկրատարածական տեղեկատվության կառավարման ոլորտում եվրոպական մակարդակով միասնական մոտեցումների և քաղաքականությունների

զարգացման ուղղությունների մշակում,

- թվայնացման, տվյալների փոխգործունակության և նորարարական տեխնոլոգիաների կիրառման ընդլայնման հարցերի քննարկում:

6. Հանդիպումները, ելույթները, բարձրացված կամ քննարկված հարցերը.

Գլխավոր ասամբլեան՝ որպես «Եվրոգեոգրաֆիքս» ասոցիացիայի առանցքային միջոցառում համախմբել է անդամ պետությունների քարտեզագրման, կադաստրի և երկրատարածական տեղեկատվության կառավարման լիազոր մարմինների ղեկավարներին և բարձրաստիճան ներկայացուցիչներին:

Միջոցառման ընթացքում քննարկումները կենտրոնացած են եղել «Եվրոգեոգրաֆիքս» ասոցիացիայի ռազմավարական առաջնահերթությունների, անդամ կազմակերպությունների միջև համագործակցության ընդլայնման, ինչպես նաև երկրատարածական տվյալների կառավարման ոլորտում եվրոպական միասնական մոտեցումների ձևավորման շուրջ:

Քննարկումների շրջանակում մասնակիցների կողմից մասնավորապես կարևորվել են՝

- ազգային երկրատարածական տվյալների ենթակառուցվածքների զարգացման և արդիականացման անհրաժեշտությունը,
- երկրատարածական տվյալների փոխգործունակության և հասանելիության ապահովման ուղղությամբ միասնական մեխանիզմների ներդրումը,
- թվային փոխակերպումների և նորարարական տեխնոլոգիաների կիրառման ընդլայնումը պետական կառավարման համակարգերում,
- միջազգային մասնագիտական փորձի փոխանակման խորացումը անդամ կազմակերպությունների միջև,
- եվրոպական մակարդակում համագործակցության և համակարգված քաղաքականությունների ամրապնդումը,
- գեոդեզիական, քարտեզագրական և կադաստրային համակարգերի զարգացման ուղղությամբ համատեղ նախաձեռնությունների խթանումը:

Գլխավոր ասամբլեայի շրջանակներում պատվիրակության ներկայացուցիչները մասնակցել են աշխատանքային քննարկումներին՝ ոլորտային փորձի փոխանակման համատեքստում ներկայացնելով ՀՀ կադաստրի համակարգում իրականացվող բարեփոխումների ընթացքն ու սահմանված առաջնահերթությունները:

«Եվրոգեոգրաֆիքս» ասոցիացիայի 2027 թվականի Գլխավոր ասամբլեան Երևանում անցկացնելու առնչությամբ Կադաստրի կոմիտեի ղեկավարի տեղակալը ներկայացրել է ՀՀ-ի մասին պատմող, Հայաստանի պատմամշակութային հուշարձանները, տեսարժան վայրերը նկարագրող շնորհանդես: Ներկայացվել է միջոցառման անցկացման վայրը, անդրադարձ է կատարվել միջոցառման նախապատրաստական աշխատանքների ընթացքին, ինչպես նաև Հայաստանի Հանրապետության կողմից Գլխավոր ասամբլեայի բարձր մակարդակով կազմակերպման և պատշաճ հյուրընկալության ապահովման ուղղությամբ իրականացվելիք քայլերին:

Գլխավոր ասամբլեայի շրջանակներում Կադաստրի կոմիտեի պատվիրակության անդամներն առանձին հանդիպումներ են ունեցել միջոցառմանը մասնակցող պատվիրակությունների ներկայացուցիչների հետ: Հանդիպում է տեղի ունեցել նաև Եվրոգեոգրաֆիքս ասոցիացիայի գլխավոր գրասենյակի ներկայացուցիչների հետ, որի ընթացքում քննարկվել են 2027 թվականին Հայաստանում նախատեսվող Գլխավոր ասամբլեայի կազմակերպման ընթացակարգային, տեխնիկական հարցերը:

7. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը.

Գլխավոր ասամբլեայի ընթացքում հաստատվել են «Եվրոգեոգրաֆիքս» ասոցիացիայի 2025 թվականի ֆինանսական հաշվետվությունները, ինչպես նաև 2026 թվականի գործառնական ծրագիրը, բյուջեն և անդամավճարների վերաբերյալ առաջարկությունները:

Ասամբլեայի շրջանակներում իրականացվել են «Եվրոգեոգրաֆիքս» ասոցիացիայի կառավարման խորհրդի անդամների և նախագահի ընտրական գործընթացները, ներկայացվել են թեկնածությունները, անցկացվել են համապատասխան քվեարկություններ և ընդունվել կառավարման մարմինների ձևավորմանն առնչվող որոշումներ:

Բացի այդ, քննարկվել և հաստատվել են ասոցիացիային նոր անդամ կազմակերպությունների անդամակցության վերաբերյալ հարցեր, ինչը միտված է միջազգային մասնագիտական համագործակցության ընդլայնմանը և ոլորտային փոխգործակցության ամրապնդմանը:

Միջոցառման ընթացքում անդամ կազմակերպությունների միջև ձեռք են բերվել պայմանավորվածություններ հետագա համագործակցության, փորձի փոխանակման և համատեղ նախաձեռնությունների իրականացման ուղղությամբ:

8. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.

Բելգիայի Թագավորություն կատարած այցը հնարավորություն է ընձեռել ծանոթանալու եվրոպական երկրատարածական տեղեկատվության կառավարման ոլորտում ընթացող նորարարական զարգացումներին, անդամ կազմակերպությունների գործունեության առաջնահերթություններին և ոլորտային համագործակցության ընդլայնման հնարավորություններին:

«Եվրոգեոգրաֆիքս» ասոցիացիայի 2026 թվականի Գլխավոր ասամբլեային մասնակցությունը կարևոր նշանակություն ունի միջազգային մասնագիտական համագործակցության ամրապնդման, փորձի փոխանակման և ոլորտում կիրառվող լավագույն փորձի ուսումնասիրման տեսանկյունից:

Գլխավոր ասամբլեային մասնակցությունը միաժամանակ հնարավորություն է տվել ուսումնասիրելու միջոցառման կազմակերպչական, արարողակարգային և տեխնիկական գործընթացները, պատվիրակությունների ընդունելության և

հանդիպումների կազմակերպման ձևաչափերը, ինչպես նաև հյուրընկալող կողմի կողմից կիրառվող աշխատանքային մեխանիզմները՝ 2027 թվականին Հայաստանի Հանրապետությունում կայանալիք Գլխավոր ասամբլեայի բարձր և պատշաճ մակարդակով կազմակերպումն ապահովելու նպատակով:


Հաշվի առնելով Գլխավոր ասամբլեայի մասնակիցների և այցելուների լայն շրջանակը՝ միջոցառումը նաև կարևոր հնարավորություն է հանդիսացել ոլորտի առաջատար մասնագետների, նորարարական լուծումների հեղինակների և նորագույն տեխնոլոգիաների կիրառման հաջող փորձ ունեցող ներկայացուցիչների հետ մասնագիտական կապերի հաստատման և համագործակցության նոր հնարավորությունների ձևավորման տեսանկյունից:

9. Ստորագրությունը, ամսաթիվը:

Արամ Գուգարաց



Մհեր Խաչատրյան



Մարինե Սահակյան



Ռուզաննա Խաչատրյան



25 .05.2026 թ.